



Wënd yeelame: Adem-biig tuumã fãa yaa yẽ n so, rëndã a no-loeerã, ad yëndã yaa Maam n so la Maam n yaood yẽ

Yii a Abu Hurayrat nengẽ (Wënd yard be a yĩnga) a yeelame: Wënd Tën-tuuma (Wënd puusg la A tigr be a yĩnga) yeelame: «Wënd yeelame: Adem-biig tuumã fãa yaa yẽ n so, rëndã a no-loeerã, ad yëndã yaa Maam n so la Maam n yaood yẽ, la no-loeerã yaa gãongo, la yãmb kam fãa no-loeer raare, bi a ra maan kēed-n-taar ye la a ra pãb no-pend ye, la ned sã n tu-a maa zab ne-a, bi a yeele: ad mam yaa ned sën loe noore. La mam wëndã ne a Muḥammad yoorã sën be Naab ningã nugẽ wã, no-loet noorã yũug Wënd nengẽ a noomame yud misk yũugu, no-loet tara sũ-nood a yiibu, n kɪdemd ne-ba: a sã n wa kao noorã a kɪdemdame, la a sã n seg a Soabã, a kɪdemda ne a no-loeerã».

[Naṣuṣ Ṣaḥiḥuṣ (Gom-sikdem sën manege)] [B zemsa taab a zugu (A Al-Buḥariy la a Muslim n reeg-a)]

Nabiyaamã koo kibare (Wënd puusg la A tigr be a yĩnga) ti ad Wēnde (A Naam zēk yã) yeta hadiis kudi pugẽ: Adem-biig tuumã fãa, b fãagd-b lame yel-sõma piiga n tug n tãag kobs-yopoe, rëndã a no-loeerã, ad yëndã yaa Maam n so, maan-ti-b-yã ka zĩndid beenẽ, la Maam n yaood yẽ, n welg M Meng ne yel-sõmdã alkadrã bãngre, la a yel-sõmã wã fãoobo. Rẽ poorẽ t'a yeele (la no-loeerã yaa gãongo) la gũubu la lillgu, la kãdeng n yi Bugmã; bala a yaa yõk-m-meng n yi yamleoodã la luuse zũnuub-rãmbẽ wã, la Bugmã gũbga ne yamleoodã. (La yãmb yem kam fãa no-loeer raare, bi a ra maan kēed-n-taare ye) la a yel-tuudsã, la a ra gom gom-yood baa fu. (La a ra pãb no-pend ye) ne zabr la buur maanego. (La ned sã n tu-a maa a zaba ne-a) Ramdaanã pugẽ (bi a yeele: ad mam yaa ned sën loe noore) tõe t'a yõk a meng n bas-a, la a sã kell bala n nadgdẽ ti rëndame ti yẽ zab ne-a sid-sida, a modgdame n gidg-a ne bũmb ninga sën yaa faag n yuda, halu n wa tug n ta yẽ me sën tõe n maan teka, wala ned ning sën baood n na n ku-f ti teed-a to-to wã. Rẽ poorẽ ti Nabiyaamã (Wënd puusg la A tigr be a yĩnga) wēen ne yẽ yoorã sën be Naab ningã nugẽ wã, ti ad no-loet noorã yũug toengo Wënd nengẽ n yud noom dũni yikr raarã misk yũugã yãmb nengẽ, la a yel-sõmdã leb n yuda misk b sën maan nonglem ne-a tigsgã zĩisẽ la zikrã zĩisẽ wã. La no-loet tara sũ-nood a yiibu, n kɪdemd ne-ba: a sã n wa kao noorã a kɪdemdame, a komã la a ko-yũudã sën loogã, bala b kō-a-la sore t'a kao a noorã, la a kɪdem ne a no-loeerã la a tũudumã pidbu, la a Soabã sën yols-a, la A sōng-a t'a seg a no-loeerã. (La a sã n seg a Soabã, a kɪdemda ne a no-loeerã) ne yaoodã la yel-sõmdã.

النجاة الخيرية
ALNAJAT CHARITY

